

樓攻媿文集

九之二



攻媿先生文集卷第九

四明樓

鑰大防

表

謝温州到任表

起家為郡俄及成時便道之官已共候度戴眷恩而
 甚厚宣德意以具孚中謝伏念臣一介書生累朝世
 祿當 聖主飛龍之始偶玷末科蓬明時振鷺之班
 每安平進久與憲章之筆削屢參史牒之編摩嘗佐
 治於偏州復勾稽於列寺天府貳邦財之重司宗書
 帝系之繁比終素鞞之期忽冒朱轡之寄惟此東甌
 之勝實為左制之雄頃任冷官茲叨假守山川如故



風俗粗諳雖無竹馬之迎頓起蒲鞭之望以前日待
諸生之意加惠斯民於此邦揚泮水之波廣爲膏澤
要令上下俱無於苟且庶幾田里寢銷於嘆愁此蓋
伏遇 皇帝陛下深軫黎元敷求長吏謂臣游登玉
國必能體惻恒之仁念臣 四對天顏固無俟丁寧之
論是以左符分畀不待朝參嚴旨趣行免加臨遣幸
遂養親之忘實勤戀闕之私臣敢不律已奉公平心
待物惟忠惟孝誓堅終始之誠濟猛濟寬務勉中和
之政

謝中書舍人表

史筆屢書深慚無補綸闈久假遽命爲員嘗控避而

弗俞竟周章而就列中謝伏念臣受才譴薄涉世闕
踈偶承累葉之儒科寔預清朝之官使往分郡寄何
有民庸當 壽皇御極之時曾四登於文陛逮 聖
主題期之始遂三入於脩門首汗郎省之聯旋備賢
關之貳貨泉出納粗謹攸司寶牒纂修復尋故步晉
班左城攝事西垣記注非工有愧螭坳之直詞章至
陋殆爲鳳閣之羞矧執愚之不移或遇事而輒發妨
賢已甚忤物且多方喜懼之交懷恐顛躋之未免力
求引退敢覬褒升才思欲枯安得涌泉之敏身章增
煥更貽濡味之譏茲蓋伏遇 皇帝陛下翕受群言
旁招衆俊謂臣粗親小伎故使當訓誥之司察臣素

稟朴忠或可效涓埃之助敢於詳試有比誤恩臣敢
不思稱所蒙益共爾位言惟作命少裨雷風鼓舞之
神忠以事君當謹朝夕論思之職

謝 壽皇聖帝表

柱史充負久虞函默詞臣掌制邊忝超除揣陋質以
無堪望慈宸而知幸中謝伏念臣頃叨末第已出異
恩再點周行惟自安於平進仰承清問嘗屢貢於愚
忠出分海嶠之符入就星曹之列聖作明述親見盛
時年除歲遷寢塵清貫書言書動慙無載筆之功如
絃如綸徒積代庖之愧將以外庸而自詭乃叨親擢
以爲負退省僥逾益增戰慄茲益伏遇 至尊壽皇

聖帝陛下達源繫表探蹟古初齊聖廣淵居域中之
有大危微精一爲天下而得人式詒燕翼之謀滋見
儲才之效肆令么麼猥預論思臣敢不深念遭逢誓
堅操守仰戴 兩朝之眷敢務苟容願殫千慮之愚
以伸忠報

謝給事中表

充負詞掖久懼罔功進職瑣闥忽驚誤渥辱訓辭之
甚寵揣分量以奚堪中謝竊惟封駁之司實關出納
之要詔敕之布君相所爲有唐則許塗窳而奏罷
本朝則令詳酌其可否宜求人望以贊政經豈伊妄
庸乃與詮擇伏念臣迂愚自信執滯不通秉筆螭坳

固有慚於良史濱綸鳳閣曾何取於陳言屬兼直於
禁林幸親逢於興運書詔填委靡容畧刻之淹號令
流行欲助風雷之迅僅無乏事安敢辭勞荷簡記於
宸衷俾驟膺於夕拜不改北門之舊旋仍東觀之華
加賁身章增光從橐茲益伏遇 皇帝陛下屬精初
政垂意群才用捨之間初無適莫論奏或至不吝改
更知臣備歷險夷粗有愛君之志謂臣素懷慙直願
殫論之忠遂致孤事蹤亦叨隆委臣敢不俯思幼學
務勉後圖親年益高但有歸耕之意主恩未報尚希
批勅之風

謝權吏部尚書表

充負瑣闥自顧因功攝長銓曹忽蒙誤寵仰皇慈之
至渥揣微分以何堪中謝竊以選部持衡夙號六卿
之長文昌聽履實爲八座之聯非素推公方不足以
杞吏姦非妙有德望不足以厭輿論雖黃散之下無
參異同而措紳之流鮮不關繫宜求精敏之彥以當
要劇之司伏念臣才不逮人學徒泥古一爲支郡三
入脩門久侍

上皇愧愚忠之無補親逢 嗣聖荷褒擢之有加代

言非陸贄之工批勅謝李藩之器俯狗芻蕘之論屢
寬鉄鉞之誅去肯眼者五年遂躡登於冢宰離班心
者一載遽首列於從臣禁林兼內制之文史館法信

書之筆滿盈已甚控避莫回頒御府之襲衣益之鞶帶
駕天閑之良馬覆以雕鞍但善悅親之私敢云稽古
之效茲蓋伏遇 皇帝陛下多能天縱盛德日新苑
舉異才踵登持橐之選優容棄物獨負吹竽之慙宜
黜而遷以榮為懼臣敢不深思僥冒勉竭疲庸為山
公啓事之書知非所及守崔亮停年之格何足言勞尚
幾典選之平少助官人之道

謝兼侍讀表

升班文部方虞典選之難進讀露門更辱兼官之寵
循墻莫避據疾是憂中謝竊以帝王之興必以學問
為急如懷素元量之選本為覽史之資由宋綬夏竦

以來始有讀書之職仰惟 睿主光紹炎圖首闢講
帷詳延從宸考邇英之舊加賜坐以甚優於共膳之
餘俾侍言而更入首闕 三朝之寶訓以觀先正之
奏篇宜求鴻博之儒以助緝熙之學如臣至陋步世
多艱豈期累歲之推遷寢歷明時之華要詞垣翰苑
代王者之敷言史觀經筵極書生之榮遇况從夕拜
擢寘天官朝入君門方被宸綸之渥暮歸私室又驚
渙汗之頒是何遭逢有此僥冒茲蓋伏遇 皇帝陛下
厲精庶政垂意多聞廣廈細旃許奉清閒之宴褒衣
博帶不違咫尺之顏自古所稀於今獨盛猥令末至
躡冠群英臣敢不擁繹舊章勉圖微效海涵天覆武

容草芥之忠日徃月來庶有毫釐之補

謝顯謨閣直學士知婺州表

典選無聞方上便親之請承流已試載叨出守之行
寵躋廷閣之班增賈輔藩之寄祗膺明命倍激危衷
中謝伏念臣奮迎孤單逢時休盛昨自東嘉之收名
尋登左省以推遷代言慙潤色之工封詔乏金歸之
效至於細書視草勸講掄材皆儒者之至榮豈生平
之敢望費誤恩而踰分致私室之拋災重貽慈母之
憂益動故鄉之念力祈閒退仰賴稔從侯邦分寶婺
之區學士寓文謨之直繇常伯而出於故事或有此
除考公論之歸在小臣恐非所稱莫遂循墻之避徒

深恋闕之誠茲益恭遇皇帝陛下覆育群生敷求
長吏察臣昔當一郡拊摩粗竭於微勞念臣今歷
三朝進退欵全於素守俾司乃牧俯便其私臣敢不
欽服訓詞益思砥礪五百里曰旬不違咫尺之威二
千石惟良少展涓埃之報

謝中大夫表

由選部以守藩方陳祠請因年勞而進秩更沐綸言
祇拜以還感銘何極中謝伏念臣生逢聖旦世受國
恩雖歷仕累朝幸相繼百年之外而傳家三葉俱
弗踰六品之階敢期後嗣之微乃越先臣之舊其承
遺訓未知聞詩聞禮之言追仰前蹤徒有慙長慙鄉

之誚豈特一門之幸實爲千載之逢茲益伏遇 皇
帝陛下優待吾工仍嚴銓法三年考績既容賞典之
家一札疏榮爰示禁途之寵臣敢不激昂素守銜戴
隆知漢議方興愧乏兒寬之對淮陽既遠敢忘汲黯
之忠

謝提舉江州太平興國宮表

分共理之符敢起一麾之歎庶祝登之祿終俞三請
之辭盡出上恩獲伸素志中謝伏念臣稟資至陋涉
世最踈誤蒙 三聖之知寔躡六官之長駁金華之
講而爲金華之守曲從外補之求由學士之直而寓
學士之班仍冒親除之渥已過家而上冢將叱馭以

登途屬以母老易危暑行致疾群醫俱試百口相驚
亟上需章謂必嬰於嚴謹首頌溫詔乃許緩於官期
感泣之深憂惶采切卒更旬浹又露忱衷特寬方命
之誅竟凡奉祠之願仰隆私之過厚誠近比之所無
去魯行遲難效齊邦之接浙報劉日短韓華容李密之
陳情茲益伏遇 皇帝陛下仁本愛人孝先錫類凡
加識拔舉無簪履之遺苟有懇祈俯徇爲莢之賤使
退安於真館得娛侍於慈闈臣敢不銘著肺肝躬陳
救水况此塵勞之久少休疲曳之餘凱風自南獲遂
奉親之樂衆星共北誓肩報主之心

賀 重明節表 慶元元年

述者明作者聖方兼備於孝慈一曰壽三曰康宜大
來於瑞慶茲逢誕節倍激忱衷中賀恭惟太上皇帝
陛下玩道希夷諸神蠖尊居特室成三朝脫屣之
高坐閱皇齡受萬歲奉危之養功隆太極事越古初
當今賓鴈之時際比流虹之旦慶綿宗社歡動宮闈
臣久玷從班適叨外補天街簇仗莫倍豹尾之中海
嶠傾葵仰望龍樓之表

賀瑞慶節表

神策紀元方懋繼承之烈流虹啓瑞載逢震夙之期
允屬照臨率均抃舞中賀恭惟皇帝陛下聰明冠
古歷數在躬纂列聖之丕圖謹三宮之色養益

仰守成之美日聞典學之勤良月就盈爰輯大來之
慶後天難老坐隆不拔之基臣竊食祠官馳神天陞
修菽水之敬既諧穎谷之私奉香火之緣敢效葉封之
祝

謝再任宮觀表

詞庭繼廩其命維新勅牒臨門從天而下恍不知其
何自凜欽受以猶驚仰惟異恩敢不低拜中謝伏念
臣才非適用學不知方幸逢熙洽之朝寢冒清華之
選四載預論思之列無補毫釐登平時於出處之間粗
分尋尺始因請外亟畀輔邦旋以便親力求貞館屢
瀆蓋高之聽俱蒙從欽之仁繼辱簡知再叨共理不

圖出守乃復一麾來者猶可追惟閭門而退肯以其
所以養敢謀食以自營重尋香火之緣盡出冕旒之
眷惟廬阜棲貞之勝自熙陵紀年而來竊祝登之
虛名得與釜之實惠喜同毛撤歡動萊衣茲益伏遇
皇帝陛下履載無私照臨丕顯選縉紳之髦士咸
與明揚念簪橐之舊臣未嘗終棄賦以斗升之奉增
其脩石之儲臣敢不益體洪私誓聖晚節爲子葉之
母而請粟寧待人言班周室之祿以代耕實衍君賜
賀 皇子降誕表 殘

皇帝表

天啓昌期方侈 三宮之慶國生元嗣實隆億載之

基溫詔四馳驪聲一律中負竊以 本朝之得 列
聖古所未聞長嫡之出中闈今方再見况五世高曾
之上壽當 三朝指遜之盛時首開長發之祥益茂
無疆之祉恭惟 皇帝陛下仁霑動植德冒華戎堯
帝聰明既親於九族周家忠厚宜見於百男爰稽能
夢之占允協燕禱之吉事關宗社喜決祗臣頃玷從
臣寧幸休員館拜殿陞之名表莫綴爲班誦朝廷之
德音敢同鰲抃

太上皇帝表

尊君慈哀方均萬國之驪慶篤神孫益衍四朝之盛
宮闈喜溢海宇恩深中負竊以漢甘露中嘗有甲觀

命之愛唐開元際亦稱三日臨深之儀曾未有視
黃屋以非心見綠車之載育恭想天顏之悅咸欣帝
系之昌恭惟 尊號太上皇帝陛下道體純乾功參
太極傳神器而與子為天下而得人仁聲素洽於民
編福祚遂綿於世播克岐克嶷含飴自適於聖情曰
壽曰康戲綵愈隆於色養臣曾從屬車之後遙瞻特
室之嚴奉未央五日之朝阻陪下列效嵩嶽三呼之
祝徒聲微裒

太皇太后殿

尊慈無上方歌眉壽之隆慶系有傳及見耳孫之育
古今創觀中外均歡中賀恭惟 尊號太皇太后殿

下化始周南德同坤厚翊中興之運母儀坐閱於三
朝濬長發之祥帝統遙觀於五世備壽富康寧之福
彤罩訃岐嶷之歌仰推毓夏之原是啓生商之瑞
臣叨塵禁路退奉祠建春而秋之而春執計後天之
筭子又孫、又子益延過歷之期

皇太后殿

居壽慈之宮仰尊 祖后歌震夙之雅誕育曾孫慈
振古之未聞亦本朝之初觀中賀恭惟 尊號皇太
后殿下德先恭儉性奉仁明親見堯舜禹之傳共循一
道上有姜任以之聖宜致百男果慶中闈遂生元子惟
天心之眷佑成國勢之安疆臣祇奉貞祠阻陪賀版

本支百世方欣五世之同堂壽考萬年坐看卜年之過歷

太上皇后牋

恩齊文母媿慈極以俱尊於赫蕩孫由中闈而載育
仙源有自聖統其昌中賀恭惟 尊號太上皇后殿
下德茂塗山禮隆渭渙 上皇與子贊成朕履之高
聖主奉親倍喜含飴之樂當漢觀命名之始想唐
宮臨深之同四方流聞萬口交賀臣嘗叨持橐退獲
奉祠移壽康之班莫頽千官之末衍雲來之慶更綿
百世之期

皇后牋

位正柔坤將行冊禮祥開游震首得天材上承列聖

之休益侈重闈之慶中賀恭惟 皇后殿下世傳勲
開德應帝姻帶弓韜於禊前允協燕祠之瑞設桑弧
於門左果符熊夢之占 三宮喜嫡長之昌萬乘啓元
良之正稽前朝而嘗見在今日以贈光臣退處衡門
阻趨祕殿壽如山升如日願賡歸美之章衣之裳弄
之璋更獻多男之祝

賀 重明節表慶元元年

黃屋非心生撫重闈之節玉危爲壽適臨載震之辰
慶溢宮闈歡均海宇中賀恭惟 尊號太上皇帝陛下
仁心愛物德澤在民天下爲一家既全揖遜之盛
域中有四大獨冠古今之尊明繼聖而帝業愈隆子

生孫而宗支有衍咸啓華封之祝想聞漢殿之儀臣
恪奉外祠遙瞻慈極高呼萬歲莫陪就日之班花覆
千官猶預需雲之宴

賀 瑞慶節表

虹流電繞式符長發之祥地闢天開方際中興之運
一人有慶萬壽無疆中賀恭惟 皇帝陛下受命皇
紹穹休 列聖問之朝問之野莫知神化之方作之
君作之師獨得道原之大惟此就盈之月是爲載夙
之辰仰 三宮燕喜之歡衍億世延洪之祉臣叨陪
法從得奉負祠帝所遙瞻敢作鈞仰天之慶述紳布
列想嵩嶽之呼

賀奉土

壽聖隆慈備福光佑太皇

太后

壽成惠慈皇太后

聖安

冊寶禮成表

皇帝表

壽仁太上皇帝

壽仁太上皇后

尊處九重奠先於孝治慶綿四世俱上於隆名誠振
古之未聞喜當今之獨盛中賀竊以加 光佑惠慈
之號歸既 二后之尊崇 聖安壽仁之稱仍謹
雙親之奉縟儀具設綵仗交輝天地爲之清明宗社
於焉鞏固恭惟 皇帝陛下日行舜德思廣文聲謂
治國必齊家惟篤近乃能舉遠矧當旋乾轉坤之始

克躬問安視膳之勤迺因萬國之歡用顯三宮之懿
臣屏爾東居寓直西清澤笏影纓雖阻陪於鳳蹕
範金鏤玉徒想望於龍樓

太上皇帝表

備九重之色養祇奉慈宸得萬國之驩心載揚顯號
皇儀具奉孝治彌光中賀竊以聖、相承本朝爲盛
安、克遯三葉允隆惟壽居五福之先惟仁在四端
之首尊無與二固不可以易言蕩無能名要當舉其
大者恭惟尊號太上皇帝陛下躬帝堯之盛篤仲
尼之恭廣太之配乾坤宜享延洪之筭忠厚之及草
木益昌積累之休仰眷聖之題期極愛欽而盡道親

奉範金之寶首披鏤玉之編兼衆美以特書繁彌文
而相接凡居履薰罔不瞻依臣頃侍祠垣茲歸貞館
飾琚瑀玕璜之佩莫陪天仗之朝聞鍾鼓管籥之音
尚想龍樓之曉

太皇太后表

尊處東朝坐見曾孫之孝治禮嚴北闕載加文母
之鴻稱大冊告成本朝增重中賀竊以壽先嚮用具
著箕疇聖本思齊是歌用雅慈爲三寶之首旣以益
隆福者百順之名又皆兼備茲仰鋪張之盛彌光保
佑之功恭惟尊號太皇太后殿下德厚柔坤道參
太極堯舜禹之相授贊眷斷於宮中姜任姒之俱賢

播徽音於宇內隆興而後四舉縟儀紹熙之間蒼修
盛事矧親提於神器付託得人宜首上於瑤編祇承
于帝歡傳有截燕及無疆臣嘗點從班欣逢曠典宮
闈再闢想聞天仗之來賀版群趨莫預廷紳之後

皇太后殿

鑠白玉之牒上徽稱於慈尊連翠華之旗蕝縟儀於
聖代歡傳宮壺慶浹境_{中謝恭惟}尊號皇太后
殿下德媿娥_{聖任如}再世揖遜實參決於廟謨
三宮康寧爰並崇於色養惟神孫之盡孝仰
后以承休取仲尼五美之言暨老聃三寶之訓用形
容於懿範以昭著於彌文臣退處海瀕阻趨天闕瞻

壽慈之新榜莫與班聯歌思齊之首章第勤頌禱

太上皇后殿

寶冊誕揚仰奉慈闈之懿徽稱備舉益增母道之光
宗社愈隆華夷交賀_{中賀恭惟}尊號太上皇后殿
下聖齊任_如德媿皇英方綿四方之休親受九州之
養王母之坐少廣壽固無期駟虞之應召南仁不勝
用仰 嗣皇之盡孝極禮典以歸尊 三殿交歡萬
方同慶臣比叨荷橐茲獲奉祠引振鷺之班莫陪進
旅而退旅粲瑤珉之牒更聽大書而特書

皇后殿

三殿祲容俱上鴻名之懿一人孝治端由內助之勤

凡屬照臨舉深抃蹈中賀恭惟 皇后殿下慶綿奕
世位處內朝陰教所覃有卷耳樛木之美柔儀克謹
奉長樂未央之尊聿嚴綸權之衣同上瑀珉之冊邦
彝有耀家法愈新臣頃玷禁途茲安海嶠側聞曠典
但知獸舞之歡遙望所朝莫遂鳧趨之願

賀 皇后受冊表

廷揚大冊克備於祿容位正中闈聿嚴於內治歡傳
禁掖喜浹民編中賀竊以尊、親、既極三宮之奉
夫、婦、是爲萬世之基頌制縉於嗣服之初飾禘
衣於歷年之後禮文惟稱地道有光恭惟 皇帝陛
下德本世脩合由天作上未央之萬壽方陳漢殿之

儀嗣太妣之徽音更篤周詩之慶卷耳之志當佐於
君子思齊之聖以御子家邦朝夕以至於憂勤夙夜
不忘於警戒於焉正始豈專爲恩臣退奉貞祠恭聞
盛典漢之廣江之永適觀美化之流行渭之漢洽之
陽咸慶舊章之復見

皇后牋

陳儀楓陛具昭冊寶之華正位椒塗光被禘禴之飾
事關宗社歡動宮闈中賀恭惟 皇后殿下慶襲安
陽行高媯汭起家而居爵位蚤締天仰承 三后之
徽音盛典告成內朝增耀臣祝姻好速而樂鼓鍾益
彰后德密輔九重之孝治鑿惟謹竊栗自慙逆雖滯

於周南化已行於漢域禁林草制曾蒙乙夜之觀從
橐趨班阻與長秋之賀

玫瑰先生文集卷第九

玫瑰先生文集卷第十

表牋

四明樓

鑰大防

謝太中大夫表

一身去國方叨祠廩以卧家四品頒綸乃以年勞而
增秩素餐已甚丹悃知歸中謝伏念臣少也數竒晚
而多幸備阜衣之吏三朝許廁於周行聯紫橐之華
四載得陪於從列踰涯自愧補外以行荷聖君從
欲之仁賤負館祝釐之粟班通禁路尚汗文謨內閣
之嚴法應吏銓遂躡秦官大夫之首寄祿寔高於世
胄被思得奉於親歡視賈誼之超遷固非敢望比申

公之即拜豈不懷慙茲蓋伏遇 皇帝陛下器使群
工曲成萬物念論思之舊侍未忍遐遺付品式於有
司許容平進周章登受俯偃何言臣敢不祇服訓辭
欽承命數老疾而無職事實深稱於間居優游不易
公卿特未知於報所

賀

重明節表 慶元三年

少皞司秋適屆肅霜之候重明麗正欣逢繞電之辰
慶浹 三宮歡騰四海中賀恭惟 尊號太上皇帝
陛下道隆邃古澤浸生民引養引恬自得怡神之樂
無倫無敵尤高興子之明神如日以正中年與天而
同久千秋紀節固知黃屋之非心萬歲爭呼又見玉

卮之爲壽自它有耀申錫無疆臣嘗侍宸旒茲游珍
館恭陳虎拜阻陪漢殿之儀遙想龍樓徒效華封之
祝

賀

瑞慶節表

斗樞電繞良月占載震之祥石崖天齊令名採中興
之頌四方來賓百福具宜中賀恭惟 皇帝陛下夙
宣聰明躬行勤儉奉 三宮之色養孝治日隆得萬
國之驩心休祥雲委當重熙而累洽能持盈而守成
咸傾就日之誠仰贊後天之筭臣頃陪鷺振親覩龍
飛上萬年之觴夢徒游於帝所接千歲之統心惟祝
於皇齡

壽聖太皇太后上仙表牋

皇帝表

奉慈尊於四世孝治方隆傳遺誥於萬方哀號何極
中慰恭以 尊號太皇太后道高任妙德邁娥嬖
三朝居長樂之尊九秩享無疆之壽手提神器親授
曾孫功成不居僊去何速恭惟 皇帝陛下躬承
慈訓圖報洪恩北面所朝備四海九州之養東朝晏
起懷千秋萬歲之悲忍從五日之衰時用周期之服
願益寬於聖抱期少慰於親慈

太上皇帝表

太皇厭代慈哀興衰覆壽所臨悲號何及中慰恭以

尊號太皇太后道妙千古母儀四朝決內禪之計
謨功在社稷受曾孫之色養福等因陵乃以微痾處
傳晏起恭惟 尊號太上皇帝陛下仰尊遺訓祗服
通哀願寬 聖子之孝心勉徇先王之中制

皇太后牋

慈福上賓悲纏率土愛欽素著哀動重闈中慰恭惟
尊號皇太后殿下夙奉太任親承大舜婦聽而婉
實爲內壺之規表致其哀莫贖終天之痛願遵禮制
少抑孝思

太上皇后牋

壽聖升遐慈尊永慕恭承凶問均極悲悰中慰恭惟

尊號太上皇后殿下賓奉重闈恪修陰教方日勤於孝養期仰嗣於徽音胡不萬年忽成千古在人情而難處冀聖念之少寬

皇后踐

光佑訃聞通遐哀動驟失慈尊之陰諒增悲暮之心
中慰恭惟 皇后殿下四世承顏累年逮事鷄鳴問
寢每勤禱程之行鶴馭登仙遂有雲霄之隔願推至
理少抑深衷

謝再任官觀表

僻居海嶠惟載上恩游昇祠官忽頒嚴旨慙無報國
之所喜便事親之私中謝伏念臣潦倒亡堪遭逢過

分奉身而去徑歸綿上之田畏影自憐更卧漳濱之
疾當一喜一懼之交切何三仕三已之敢云幸遂投
閒庶幾養志屬書再者未免有言既徹九重亟蒙從
欲闔門相賀遂寬乞米之憂連歲何功徒致取禾之
誚茲益伏遇 皇帝陛下曠旒無蔽簪履不遺永齊
國之世臣尚其餘幾數正元之朝士今亦無多賜以
斗升濟其菽水臣敢不仰御隆施退適餘生顧朝暮
承顏得效老萊之戲雖漁樵混迹敢忘魏闕之心

賀 重明節表 慶元四年

繼明而照四方夙能誕彌之節得秋而成萬寶是當
載震之辰慶溢霄垠歡均海宇中賀恭惟尊號太上

皇帝陛下尊同太極福浸黎元由父作子述之明得
內聖外王之道旣展崇高之表怡神獲護之中鳳躍
來朝當電繞虹沅之日龍樓上壽皆山呼鰲抃之人
眷算無疆洪圖有永臣旣收朝蹟祿處祠庭與造物
者游敢陳金鑑之錄獻封人之祝徒想玉卮之儀

賀 瑞慶節表

良月就盈出應五百年之運四方來賀仰祝三萬歲
之期宮壺交歡宗祊協慶中賀恭惟 皇帝陛下行
符乾健德與日新寅奉重闈深思付託之重海開二
閣用寅緝熙之明益增孝治之隆坐振儒風之盛如
雲如日喜逢誕聖之辰非霧非煙茂鬱興王之瑞敢

伸虎拜用贊堯齡臣再奉貞祠僻居下國我冠就列
莫陪嵩嶽之呼泚筆歌功願獻浯溪之頌

謝落職罷宮觀表

杜門却掃幸家食之少安禡職罷祠忽臺評之下及
尚從寬典祗荷隆恩中謝伏念臣慙直有餘頑冥自
信生逢昭代屢黜周行年除歲遷實由於親輝左提
右挈敢籍於先容久居封駁之司幾作怨仇之府用
過其分思稱所蒙始求補外以牧人已叨臨遣請投
閑而奉母旋又辱務從五年自放於江湖一飯不忘
於君父獲棲故隱可謂幸民然猶通內閣之清班竊
殊庭之厚祿餘生何有惟斷以無他公論弗容尚

斷、而不可煩言果至百誦矣此仰聖度之恢洪閱
危蹤之孤露爰施薄罰以示小懲茲蓋伏遇 皇帝
陛下仁務包荒爵惟馭貴衛纓雖許終不可以假人
漢邱既銷適足明於無我俯憐簪履之舊猶齒縉紳
之間臣敢不屏息訟愆投誠戴德循南陔而戒養退
甘三釜之貧望北闕以傾心莫效一毫之報

謝宮觀表

杜門窮巷將沒世以訟愆賦粟珍臺僅踰時而復舊
開孤迹自新之路承大君莫報之恩得之若驚感而
至泣中謝伏念臣頃塵鶩綴親覩龍飛詞禁代言首
播絲綸之命經帷進讀不遠咫尺之顏一去闕庭四

叨祠祿初出懇祈之切兩蒙簡記之私惟比僥逾尤
為優異雷霆所擊寧忘失著之憂日月有明忽照覆
盆之下豈無望於萬年之後不謂得於旬朔之間顧
鷄職之告未頌而祝釐之稟已繼人謂去殊之再得
自憐墮甑之猶全頓增菽水之歡足慰桑榆之晚茲
蓋伏遇 皇帝陛下仁無棄物道本用中芝桂呈祥
方炳靈於大室玉卮為壽喜親慶於慈闈廣四海以
推恩軫一夫之失所有如間廢亦荷務存臣敢不仰
體隆知益安愚分半九十里深嗟末路之難取三百
困徒切素餐之媿

謝進封開國子加食邑表

職在琳宮方謹祝釐之奉詔分穀壁更蒙與邑之多
敢期洪私下及散地中謝伏念臣頃叨推擇濫與論
思自登瑣闥之聯已經采食之賜明時未棄歸猶得
於祠官北歲以前居幸霑於效需賤息既承於延賓
先臣復被於追榮獨此加恩格而不下方斯念咎噤
弗敢言顧三百戶之適因知所自念五十里之小相
去幾何追茲祭澤之頒始冒綸言之寵母升次郡爵
進小邦再拜知歸一門增耀茲蓋伏遇 皇帝陛下
禮嚴宗祀惠及臣工仁不忍於遐遺福靡求於專鄉
遂令遠外亦荷寵光臣敢不俯媿素餐著銘丹悃奉
璋就列莫輸奔走之勞分土疏封安有蕃宣之力

謝通議大夫表

祠館無庸猶會八年之課宸綸甚渥俾居四品之官
拜命增榮撫躬知懼中謝伏念臣才非適用仕止爲
貧幸逢揖遜之朝寔冒論思之列久司封駁徒積悔
尤親覩龍飛實專內外之制旋升鸞綬更兼文武之
銓爰揣分之易盈以治民而自詭毋旣登於大耋身
亦覺於卷游力請投閒仰蒙從欲江湖粗足久甘漁
者之爭隈簪履弗遺深媿廩人之繼粟方奪勞之是
懼何增秩之敢言漢詔肆頒尚得從大夫之後隋官
平進猶使陪廷議之餘茲蓋伏遇 皇帝陛下圖大
宅中謹微接下函明考績一付有司之公日月之爲

功俯及從臣之舊有如衰廢亦玷遷臣敢不仰私興
堅晚節與之三釜方佩鴻承戲綵之歡加以數年祈
遂垂車之願

謝再任宮觀表

孤蹤去國六換歲華明命臨門五叨祠廩積素餐而
自媿拜黃牒以知歸中謝伏念臣處世最踈逢時多
幸把麾江海因得遂於歸耕聽履星辰今殆成於昨
夢賤齒已開於七秩親年既越於九齡無由陳力於
清朝祗合抵閑於故里先疇至薄歎微祿之未忘
吏考將更驚俞音之存及豈止寬憂煎於數口又將
竊溫飽於二年有伺勞能蒙比撫養茲益伏遇 皇

帝陛下躬操八柄坐制萬方念筆橐之舊臣雖無可
錄軫益惟之至意尚爾不遺使仍香火之緣以遂山
林之適臣敢不祗承恩渥涵泳化風菽水有餘得效
萊衣之戲雲霄在望惟存魏闕之心

謝復職表

四年貧譴尚玷從臣之階一札疏恩復還學士之直
周章拜賜感激爲榮中謝伏念臣愚不知方志徒泥
古頃更郡寄嘗辱賜環屣點朝行寔叨持橐代言批
勅曾何有於論思約史侍經每自慙於玩唱典銓未
幾懷綬以歸尋力請於貞祠仍寓班於內閣致煩言
之俯及甘暮景之宜休敢意務存曲加披拭特寬漢

律申昇文謨深憐爲養之勤又予祝釐之祿從天而
下撫已尤驚茲益伏遇 皇帝陛下大度兼容至仁
善貸謂臣親逢初政曾厠衆賢之後陳察臣自訟宿
愆不忍一青而終棄爰軫蓋惟之念未忘簪履之遺
臣敢不祇戴寵光日思報稱奉百歲之母益增萊子
之歡誦萬年之詩願效封人之祝

賀 瑞慶節表嘉泰三年

踐阼十年益啓升平之運逢辰千載又更震夙之期
兆姓交歡一心同戴中賀恭惟 皇帝陛下儲神淵
靜沉化儉慈仰 列聖之好生守爲家法視四方而
兼愛務得民心坐凝稽古之勲增衍後天之筭臣屏

居海嶠遙睇宸廷見黃河千里一曲之清弟勤善頌
效嵩嶽萬歲三呼之祝莫預周行

謝再任宮觀表

一收朝蹟分老瀛壖六昇祠官誠知帝力顧胡顏而
亟拜徒空食以懷慙中謝伏念臣晚幸偷安近尤多
病四支而三痛楚幾遂作於廢人十日而九呻吟惟
退量於薄命第以慈親之待養曾無他計以謀生尚
存未盡之年更望無功之祿仰干洪造方局地以靡
遑敢謂隆寬俄自天而賜允里閭改觀耄樺交歡共
瞻新渥之光榮又獲全家之飽煖即衡門而被寵望
宸極以銜恩茲益伏遇 皇帝陛下大度海涵至仁

天覆俯憐簪履之舊未忍遐遺又與斗升之餘使能
粗給豈止一夫之受惠實令群下之歸心臣敢不強
整衰殘愈思感勵奉琳宮之香火每日處於幸民掛
神武之衣冠冀終全於晚節

謝落職表

孤臣失察盡實大何上聖隆寬止從薄責俄自天而
有命幾無地以容身中謝伏念臣生則多難仕皆過
分幸遇千齡之會寢叨八坐之聯歸奉祠庭猶寓西
清之直坐糜廩粟不勞南畝之耕頃蒙乘障之除庸
示起家之寵方循牆而引避痛陟屺以纏悲顧平時
臧拙之最深矧游歲執衆而致毀猥緣親黨非意相

干不善防閑自貽伊戚仰公朝之矜恕念舊物之顛
連禠學士之班再斯可矣使臣工之肅其在茲乎迨
釋服以及期敢陳詞而謝罪茲蓋伏遇 皇帝陛下
冕旒無敵簪履不遺以天地之心爲心何止國君含
垢之意謂兄弟之子猶子負得聖人觀過之仁遂於
危蹤止用輕典臣敢不闔門念外望闕歸恩三點何
言旦有動心忍性之戒餘生無幾徐上引經告老之
章

謝龍圖閣直學士致士表

致大夫之仕仰賴矜從進學士之班弗容避免念餘
齡之無幾幸晚節之苟全量小已盈感深至泣中謝

伏念臣學徒泥古才匪適時三列皂衣寢叨嚴近久
塵青瑣遂積怨仇敢自詭以治民爲專求於奉母侵
尋一紀孤苦再期耄矣無能每愧祝釐之廩仕焉而
已况逢告老之期荐貢封章遠投君父喜下情之上
達荷人欲以天從誥頌東海之濱職峻西清之直塵
車還里難忘貧賤之時龍馬負圖乃昇衰殘之後何
憂寐之敢及亦家世之所無茲非幸歟不翅足矣茲
蓋伏遇 皇帝陛下德新惟日仁覆如天俯眷么微
忝螭陞隨班之舊更憐骹散當龍飛草詔之初尚聞
生全不忍遐棄肆頒笈渥式貴窮途臣敢不內誓丹
心益堅素節退人以禮已增鏤骨之私教子以忠使

效捐軀之報

謝落致仕除翰林學士表

代庖倖直又見卯年之周視草爲負復塵乙夜之覽
撫危蹤而何幸尋故步以知慙中謝竊以詞禁遽嚴
宸居密邇有直諫多聞之益乃可預於論思爲溫厚
爾雅之文始宜司於播告鼓風雷之大號增日月之
末光匪得英髦曷勝遴選伏念臣學惟涉獵才乏著
華頃戴筆於螭蚺尋演綸於鳳閣以先朝之門客爲
天子之私人方成五訪落之初與聞國論建漢家更
化之始首被召音惟投閒一紀之餘且告老三時之
久茲以晚境衰殘之迹參內朝供奉之班念齊國之

世臣所存無幾歎元和之學士不謂重來茲蓋伏遇
皇帝陛下思任舊人聿脩庶政朝綱日振急聞忠
蓋之言疆事未寧尤務坦明之制遂令庸陋亦玷招
延臣敢不措葺蕪詞仰裨藻飾尚祈聖度俯矜草芥
之微終俾周年遂逐桑榆之暖

謝吏部尚書兼翰林學士侍讀修史表

比蒙召節趣歸紫橐之班疊被恩論盡復青毡之物
德有乾坤之重身同淵國之危中謝竊以才不可以
疆爲人當知於自度非山濤之識量豈足典銓必陸
贄之文章始堪視草露門贊緝熙之益虎觀資潤色
之工曾未能其一焉况可兼夫四者伏念臣旣衰無

用已試罔功屏居一紀之餘且經告老人對九重之
下恍若更生而乃冒選部之員除尋禁林之故步進
讀清閒之燕克負筆削之間敢言眼赤之何時深媿
汗青之無日身章愈煥轡飾增華儒生之爲詞臣誤
辱公朝之寵天子以賜學士尤加暮加之榮茲蓋伏
遇皇帝陛下政務惟新人先求舊取之數路宜廣
擇於時髦備於一夫恐徒妨於捷徑凌兢拜命顛墮
知慙臣敢不勉策庸遇仰酬眷獎掌選而分文武詎
敢辭勞垂車以示子孫終期得謝

辭免簽書樞密院事表

誤思下逮俾綴通聯逾牘上陳未頒俞旨仰冒益高

之聽不嫌再瀆之煩中謝洪惟叅朝特重右府豈獨
爲三軍五兵之本抑使聞一日萬幾之微才則甚難
官何必備顧愚臣之無取荷上聖之深知起之掛冠
閒廢之餘處以持橐清華之舊強顏寢久告老未諧
尚不堪朝夕之論思可以禪夙夜之宥密進寓承明
之直更列元良之賓揣已奚堪逾涯莫甚欲望皇
帝陛下俯垂淵鑒洞察忱衷念已迫於桑榆盍居閑
地儻未遺於簪履姑寘從班別求經濟之材以竢昇
平之運

謝簽書樞密院事表

銓部爲負猶未經於滿歲機廷筮貳乃遽辱於頒思

遜避靡皇周章增惕中謝竊以官莫崇於執政職尤
重於本兵必求文武之全才以任國家之重事邊隅
甫定尚勤宵旰之憂邦域以寧允籍弼諧之助豈應
疲瘁可與幾微如臣者資實腐儒仕叨法從由久司
於封駁故多積於怨仇十載歸閑仰戴乾坤之施一
朝收召復觀日月之明不堪聽履之華復上垂車之
請敢期誤溘俾贊洪極血氣既衰上合奉身而去軍
旅未學曷知基命之嚴玷書殿之清班忝儲局之下
客被繡韉於上駟束鐙帶於襲衣米食有加寵榮已
甚茲蓋伏遇皇帝陛下人惟求舊政務圖新謂代
言於受禪之初未忘孤迹追趣還於更化之始深閔

凋年豈云術業之可稱蓋自眷私之過厚遂容僥倖
倍切凌兢臣敢不深感隆恩愈監晚老當益壯固欲
殫報主之忠耄矣無能忠恐負知人之鑒

謝
皇太子牋

謬參樞筦仍汚紫殿之班兼與儲賓始下青宮之拜
以榮爲懼得寵若驚中謝伏念某少也無奇晚將焉
用掛冠而去責成治世之幸民扶杖以觀親覩聖
君之更化首祗嚴召重覲清光俾視草於奎坡旋典
銓於選部露門進讀冊府紬書舊物復還空積妨賢
之愧故山在望但祈得謝而歸敢冀明綸擢登右府
致此血氣旣衰之迹廁於衣冠其偉之中揣已奚堪

荷恩有自茲蓋伏遇

皇太子殿下性鍾玉粹學振

金聲子職日供肅侍凝旒之側官僚妙選誤枚華髮
之餘某敢不勵駑才用酬鴻造退憐已益老莫能陪
宥密之司勉誦所聞庶或補文之德

辭免同知樞密院事表

宥府選寮忍切再命需章避寵尚闕一俞爰存瀆於
宸聰冀終回於溟渥中謝伏念臣引經納祿奉詔還
朝始膺典選之除適與和戎之議旣不能出奇策以
疆國勢又不敢抗高論以竊時名深惟世務之宜遂
定從官之論鄰盟旣講邊備粗寬魏絳何功姑欲就
威懷之得利張昭雖老當使知將相之有人賴聖

慈俯徇於和親在臣下盍爲之引咎自愧寡謀之甚
難陪基命之司殆無地以寄顏惟竭誠而報主日圖
內治之要未知所先靡厭衆言之求尚不暇給有何
勞效遽被推遷不勝據瘞之憂徒謹循牆之走伏望
皇帝陛下俯垂淵鑒洞察愚忠豈惟微臣懷以榮
爲懼之恐仰祈睿筭篤居安慮危之心精求文武之
才用贊樞機之任

謝同知樞密院事表

筮宥密之班未知圖報拜便蕃之渥弗許終辭自揆
僥逾實深感揚中謝竊以皇家嚴二府之建任固匪
輕機庭分四等之差官毋求備賢相並兼於使領副

樞是贊於事幾旣日才難豈容序進伏念臣少無可
用老尚堪扶病可以對便朝幸不盡於咫尺疆顏而
居舊著顧羹補於馮分假寵已多旬闕未得敢謂七
旬之後後冒參兩地之榮畀興熙載之官已爲過分
加淳化冠準之職尤媿無名偶緣廷告之同時因與
政途而接踵在法當從旣超筆橐之聯計日而言僅
周天地之教併增米食游被匪頒茲益伏遇 皇帝
陛下茂建大中丕乘興運謂股肱所寄方彙進於時
髦雖筋力旣衰亦使陪於末議未皇帝暖復俾階升
臣敢不仰戴隆私益堅素守邊陲甫定願禪內治之
謀里社相望期遂歸休之請

辭免參知政事表

進參政柄誠出誤恩冒貢遜函未回淵聽渚布懇祈
之切敢辭俯偃之恭中謝伏念臣才不逮中身今既
老十載排振之已甚實倍費於保全一朝收召而復
還又屢叨於褒擢非敢忘知止之義蓋欲堅圖報之
心今則疾疢交侵徒強顏而自醜年齡云邁顧納祿
之未能使在旬月之間稍有毫釐之補序遷而上已
分已逾而况據案牘而書名雖具負而何益對冕旒
而奏事無長策之可陳誤寵所加群言必駭欲望
皇帝陛下念經綸之事重思輔贊之才難別選英髦
俾作調元之助毋容衰瘁更貽濫吹之譏或昇舊班

俯存孤迹

謝參知政事表

充貳樞庭方慙玩愒晉陪宰路遽被推遷倍深臨谷
之危莫遂循墻之請中謝竊以朝廷建輔魏天子之
四鄰政事參聞下承相之一等定名稱於乾德復官
制於建炎必求異能乃副隆委伏念臣頽齡景迫壯
志日凋再掌吏銓但守停年之格濫居宥府未寬思
職之憂雖粗竭於譏才繆莫裨於未議負二宜去有
七弗堪宿恙漸侵將籲天而致禱誤恩狎至負春地
以靡遑况秉鈞當軸之虛負而知印押珽之分日兼
興漢章之約仍從商皓之游命服匪頒復賜天閑之

駿爰田增衍更開公社之封昔在本兵尚為僥冒茲
叨助理尤懼曠瘼茲蓋伏遇 皇帝陛下盛德又新
至誠樂與折衝御侮坐底於外寧聚精會神力先於
內治東求俊乂實在弼諧肆令衰退之蹤亦忝迓登之
數臣敢不益彈愚慮仰贊宏規曰都曰俞願竊慕賓
歌之喜知足知止

庶幾從告老之私

玫瑰先生文集卷第十

攻媿先生文集卷第十一

表牋別藁

代宰臣謝宣示 太上皇帝御書表

宋玉高唐賦 傅毅無賦

陸機文賦 嵇康琴賦

曹植洛神賦 王粲登樓賦

史節故事段 陳羽古意詩

蘇軾養生論 周興嗣千字文

御跋

乾道辛卯春被賜賁行草書總十卷臣下拜瞻玩

心目開明竊惟書法自東漢迄于晉唐代有名家然
莫不祖述鍾張憲章義獻而各得一偏未有超軼拔
乎其萃者恭惟 光堯壽聖憲天體道太上皇帝高蹈
義皇之上遊戲翰墨之間初若無意而筆力所到自
得之妙集乎大成如春雲行空千狀萬態遠視前古
有不足進固知天縱之能心與神會非衆庶曲學之
所可及也帝王餘事猶能至此顧不休哉三月二日
臣某恭題

奎畫昭回來從慈極睿恩優渥宣示通聯是何不世
之逢獲快爭先之覩中謝竊以翰墨有法肇自東都
帝王好書無如正觀雖具龍蟠鳳翥之體徒爲心慕

手追之勤若夫天縱之能拔乎其萃自得之妙集此
大成聿觀歷代以還未有今日之懿恭惟 尊號太
上皇帝陛下宸衷淵靜帝學融明一札細書居多方
國之賜六經大訓式昇膠庠之傳既全脫履之高益
有怡神之樂生進比道作新斯文取楚客之賦篇造
梁臣之韻語舒箋自適肆筆而成乃因五日之朝併
演十編之富恭惟 皇帝陛下茂隆孝治仰識聖心
金口發明究羣書之蘊與雲章交煥掩二典之光華
是雖餘事之能然誠非曲學之所及中秘將嚴於尊
閣外廷咸興於榮觀臣夙際休期幸瞻鴻藻登床競
取何敢效昔人之象鏤玉匪頌尚幾爲私室之寶

代宰臣進吏部七司法表

朝建天官實總吏銓之要詔刊治無恭承聖作之規
會衆目以畢張集前編之未備幸終載筆敢後奏篇
中謝臣竊以皇家題累洽之期選部有一成之法屬
中興之始爰盡纂於唐章迨更化以來嘗再參於中制
惟奇請它此隨日以滋而巧史猾徒緣茲而奮也哀
四紀之沿革修為一代之經常然而漢定章程止由
柱史唐更律令亦任柄臣未有上軫淵衷俯聖明聽
凡日甲令之著首塵乙夜之觀親灑宸毫具標汗簡
必使繹尋而盡善更容開釋其所然既咨可錄之言時
出非常之斷合吏封勲考考之日貫勅令格成之文以

至黜贓罪之實廷進軍功於流內恩防寬縱例絕板
授莫非近古而便今務在舉宏而撮要筆則筆削則
削同有差訛官言官朝言朝此為依擬恭惟 皇帝
陛下治先自內名不假人澄三省之源已嚴道揆定
七司之制更肅班僚立通用以去煩文申權宜以存故
典警捕有酬獎之等陞改易參照之科使官人之方得
以兼明於覈實之政誠非小補臣等粗殫未拔莫望
清光事倣石渠稱制仰勤於臨決才非山甫有司終媿
於將明尚冀頒行庶憑遵用

代宰臣進

仁宗皇帝

今上皇帝

玉牒表

神文出治光紹 王朝 膏玉題期系隆 列聖

皇猷而潤色焉翠琰以齊輝中謝恭惟

皇帝陛下政用時中言為世則繼志述事親承太上

之心傳導制揚功盡循 我送之家法眷仁皇之盛

際聖養日聖規惟天聖之元實基四十二年之治

惟乾道之懿將繼五三六經之隆受命儒臣並修史

牒登載斯謹會粹不遺稽故事以成編肅新朝而進

御忠厚之及草木知積累之自來廣大之配乾坤豈

繪畫之能見牙籤初秩金匱祕藏臣獲遇休明居慙

典頌祖功如在期載續於無疆帝業方崇當特書而

不一

代 皇子鄧王辭免冊立

皇太子

表以下五首

丹悃冒陳祈免升儲之命皇恩加厚未頌賜允之書

仰叩九重敢伸再瀆中謝臣聞元良以正萬國記言

世子之能繼明而照四方易謹大人之象以奉深盛

之祀以繫億兆之心苟素望之無聞豈盛儀之敢受

伏念臣性難語上學不知方仰承君父之規久親師

傳之誨奉長安日邊之對岳之奇辭辨陳留贖上之

書素無英識戴乾坤之大造升爵位之崇班安知懷

德之維城但愧無功而受祿綸言忽播縮駭爰開實

懷不稱之慙難冒非常之竊伏望 皇帝陛下特回

懷不稱之慙難冒非常之竊伏望 皇帝陛下特回

聖意俯聽忱辭不嫌渙汗之收帖寢震宮之建哲言度
子職少答睿慈

代謝冊立表

睿旨中頒誕開宮邸微躬內愧亟上封章思深弗遂
於循墻懼甚有同於臨谷中謝臣聞仰觀乾象前星
密邇於帝星俯察坤維少海實源於大海歷稽盛古
必建元良自非可賢聖仁孝之間備恭敬溫文之懿
何以貳體宸極正位少陽伏念臣學識無長器資非
敏實託本支之盛屢叨爵位之崇日祗月將幼已慚
於慈訓夏絃春誦今未底於多聞自愧辱庸居懷兢
懼忽拜玉音之寵冒升銅輦之榮入侍皇居仰承天

序茲蓋伏遇 皇帝陛下仁周溥率明昭幾微膺
列聖之丕圖奉上皇之色養眷求主鬯以重 承祧
儲德未充曷副人神之望睿謨素定不由羽翼之成
臣敢不益念前脩永遵雅誥謹文王安否之間敢息
帥行書唐宗仁孝之詩仰祈禮賜

代謝 太上皇帝表

從五日之朝夙荷抱孫之愛拜十行之札俄膺立貳
之求仰慈訓之曲臨懼微躬之匪稱中謝臣竊以大
人有繼明之義蓋取諸離長子爲主器之親故受之
震豫建儲嗣雖本前規獲奉重親未如今日伏念臣
幸以弱植出逢時列亞保之崇班初非功致昨貞王

之尊爵深愧名浮徒以記體嚴宸承休慈極忍頒丹
詔叨處青宮共知斷之不回實本聖謨之正顯茲蓋
伏遇尊號太上皇帝陛下德高堯舜道合義黃雖與
造物者游自求至樂仍有孫謀之燕以來無疆是舉
贈儀以安神器臣敢不力修四學祇奉 兩宮立爰
自親仰體承桃之重聿脩厥德敢忘念祖之勤

代謝 皇后綫

坤德無疆實依厚載震宮肇建遠及凡材中謝伏念
臣託質天支承筆壺則干戈羽籥教雖備於四時父
子居臣學未臻於三善忽奉褒揚之冊俾當監撫之
權仰宸斷之剛明賴母儀之俾助茲蓋恭遇 皇后

殿下德齊任姒賢過娥嬖陰教聿修坐致人倫之正
淑謀經遠更圖國本之安臣敢不居近正人力尋舊
學祇召而不犯馳道當奉君尊問安而必至寢門益
虔子職

代謝受冊表

銅門肇啓方慙主鬯之良珉冊誕頒舉臨更軒之禮
恩隆天地懼劇淵水中謝伏念臣素乏材猷積叨寵
數金印盤綏蚤處於宗藩責蓋班輪俄升於儲位復
差良日爰御正衙備金石以盈庭儼纓綬而就列授
之寶牒訓以綸言退省其私不知所稱茲蓋恭遇
皇帝陛下道高世表機照物先斷自宸衷豈私於愛

子裁茲曠典蓋重於承祧臣敢不仰體聖謨恪供子職出有師入有保起居惟近於正人親則父尊則居夙夜益勤於順事

代宰臣賀立

皇太子表以下三首

冢嗣稱賢夙仰吾君之子儲闡定禮果安天下之心歡動兩宮慶均四海中謝恭以離著麗天之象繼明實繫於大人震有存雷之文王器必歸於長子闢東朝之縛禮綿列聖之丕基曠右難逢于今創見恭惟皇帝陛下孝如虞舜樂似文王爰奉親嚴屢上玉卮之壽大寧國本首開銀榜之宮慶幻海之澄瀾瞻前星之騰耀一人獨斷非由羽翼之成三善自將

克荷宗祧之守臣叨居近列恭覩盛儀日下重光已備夙成之德嵩呼萬歲敢忘婦美之誠

代賀 太上皇帝表

神謨早定俾建元儲聖孝丕承誕揚宸制事闡宗社喜動筆夷中賀恭以甲觀之生嫡皇孫但有命名之愛一日而見三天子止聞臨藻之歡載在信書以爲美事曾未有傳神器而與子見東營之立孫介第祿於無疆固蘿圖而有永恭惟尊號太上皇帝陛下道高百聖仁覆萬方翼燕孫謀獨享後天之筭儲登世嫡共仰前星之暉問安獲事於重親主器仍歸於長子臣欣逢盛際獲在邇聯卜世卜年期過周家之

曆重輪重潤願賡漢樂之詩

代賀 皇太子踐

儲德日新久繫於衆望睿謨獨斷爰舉於曠儀覆載
兩問騷呼四起中負恭惟 皇 太子殿下地居家
嫡天與竒姿震一索而得長男宜膺主鬯之寄漢元
年而建太子益知享國之長仰九廟之儲休信兩宮
之增慶人心自定神器愈安某肅領鷄行進瞻鷄戟
元良既正不煩賈誼之言盛美難名莫盡下蘭之述

代謝吏部侍郎表以下四首代魏承相祀

代言西掖方拜誤恩攝貳東銓復叨改命循墻其避
臨谷增危中謝伏念臣獲落無堪迂愚自信正以經

營於菽水故嘗希望於斗升昨自外官恭趨嚴召猥
廁內朝之鷄列親觀 上聖之龍飛五歷粉闈一參
月寺籌邊戎幕無婉畫之可稱將命虜庭幸歡盟之
復締昌柱史詞臣之選兼宮端寶牒之司初無左右
之先容盡出聖神之親擢忽承帝制俾倅天官一新
龜紫之榮仍假銓衡之長莫回成渙徒激濡衷茲蓋
恭遇皇帝陛下虛以受人明於分職憐臣孤立於官
路借以末光謂臣曾歷於劇曹付之重委臣敢不寅
遵邦憲嚴制吏姦朝夕論思雖素乏嚴吾之譽簿書
期會庶勉追裴馬之名

代謝侍講表

攝居選部已困劇曹擢在經帷更承清問退慙衰朽
有此遭逢中謝伏念臣幼歷羈艱學無師法顧孤陋
寡聞之習但爲決科之資如既通知遠之經素匪專
門之業矧是帝王之大學非爲章句之小儒必求鴻
博之人以究淵源之蘊豈容撲幸獲侍細旃茲蓋恭
遇 皇帝陛下巍巍成功謙謙終吉特降至尊之勢
兼取可錄之言遂容草芥之臣不與金華之講臣敢
不龜勉微力綴緝舊聞爲二三萬言之辭敢求釋義
暢五十八篇之音庶補重明

代辭免進國史轉官表

約史何功敢叨醴賞騰章避寵未拜俞音荐貢誠集

仰千睿聽中謝竊以 三朝之治迹允爲萬世之成
規信傳信疑傳疑已備不刊之典筆則筆削則削屢
資多學之儒而臣方貳政之未幾適成書之已久暫
領纂修之職曾無潤色之勞使冒賞而不疑則叨榮
之太甚而况近辭珍賜 陛下固已許其廉茲躡崇
資公議必傳以爲笑謂少者辭而多者則受謂今日
是則前日爲非雖故事之有初在微臣而焉敢伏望
皇帝陛下俯矜賤悃特寢異恩益使人心知清朝
以名器爲重誓殫愚慮効薄伎於志傳之間

代遺表

生而致主曾亮采之無聞死不忘君豈效忠之可也

危病欲吐老淚先傾中謝伏念臣奮自羈單本無僥
覲蚤廁熙朝之鴻序親逢上聖之龍飛猥以譟林
屢叨隆委凡一時清切之選皆九重特達之知兵交
而使在其間備更險阻獻告而爾順子外嘗與綸思
寢歷政塗遂登揆席遠緣撲拙用速顛躋俯憐簪履
之遺旋畀屏藩之寄人言噂沓何敢控陳天鑒高明
卒蒙昭雪賦以貞祠之祿予之祕敷之名屏迹衡門
街大恩而莫報馳心魏闕顧一飽以何安今則蒲柳
益衰桑榆既逼老將知而老及福已過而災生卧疾
漳濱沈精神之易散游龜岳嶽嗟頃刻之難留僅存
餘息之微重結明時之戀伏望皇帝陛下治功惟

叙聖德又新總萬幾之要以冲飭天和合群賢之智
以維持國是問安慈極日承尊養之歡注想中原身
濟規恢之業臣命隨氣索志與辭殫王度清夷固毋
煩於尸諫死期迫促徒自切於哀鳴

代知泉州謝進職再任表

以下四首代屬
氏汪尚書大勳

承南服之流忽叨因任建西清之秩併辱東知拜寵
命以增榮俯懦躬而有覲中謝伏念臣奮身寒遠遭
世休明分甘州縣之塵勞敢望朝廷之拔擢十年服
采寢登侍從之班千載逢辰曲被聖神之眷比雖攝
六官之長猶未爲二卿之負尺遂求閑處超次對退
惟愚羸已劇優隆起誠外藩以治民而自詭存更下

考無報政之可書方將重上貞祠之章豈意更升孝
士之列一變閩俗初無常袞之稱更興泉麾仍繼蔡
襄之後已誠如此其可再乎魚功而遷誠爲過矣茲
蓋伏遇 皇帝陛下政先實核恩不遐遺念微臣非
可用之才粗堪郡寄謂長吏多數易之弊就畀重書
復增延閣之華益重專城之任臣敢不勉其未至究
所當行久悉邦風旣無勞於問俗務攻吏事庶不負
於分憂

伐謝隆興府到任表

上印泉南方逐祠庭之請把麾江右遽叨帥閩之除
猥荷東知若爲稱塞中謝伏念臣幸逢昌運忝綴從

班昨辭遠於脩門効蕃宣於遐服目駐裊天之日月
身留閩徼之山川未及終更已叨因任共知鼯鼠不
堪五技之窮自分鷦鷯唯望一枝之足委申城悃仰
扣淵聰卒蒙從欲之仁獲遂授閑之志千里未還於
揄社十連復冒於綸音旋促對於清光誤親承於睿
獎授之方略俾以奉行茲延見於吏民乃究詢於風
俗惟南昌之名郡實 上聖之潛藩襟帶江湖首尾
吳楚雨暘方者正賴春耕秋歛之勤凋瘵已蘇猶籍
左粥右餐之惠必得循良之吏庶安流冗之民豈應
蠢愚堪比委寄茲蓋伏遇 皇帝陛下恢張治具駕
御人材察臣又被使令旣深知於德意念臣備嘗險

阻亦粗識於民情特畀虎符俾殫篤力臣敢不布宣
寬大禁戢姦欺當使田間盡改帶刀之習且令州縣
毋存珥筆之風

代賀 太上皇帝上尊號表

啓龍樓七十之慶春朝將展於上儀率鷄列三千之
臣至朔先加於徽稱事高治古歡溢綿區中賀竊以
薦舜于天堯帝聰明而遜位以武爲子文王逸樂以
延平年不有極尊之稱曷爲甚盛之舉鏤白玉之牒
歸美 兩宮建翠華之旗親朝五日書契未有宗社
無疆恭惟 皇帝陛下道盡事親仁先自內謂富壽
之福爲昇倫之所先而父母之年在常人而猶喜况

承社稷之托親見春秋之高自非得九州四海之驩
心備五帝三王之全美何以效之慈極副我淵衷爰
集廷紳取於經而定大號更推帝澤歛時福以錫庶
民 上皇增萬壽之昌太姒嗣徽音之懿至矣盡矣
不可有加舞之蹈之莫知所自臣退甘屏處莫與駿
奔奏薄伎於從官之間敢懷故步效三祝於封人之
請徒切愚誠

代謝宮觀表

十年念咎踏地靡遑一日奉祠從天而下孤迹有自
新之路聖朝無終棄之人恩重難名感深至泣中謝
伏念臣猥由寒陋誤辱眷知持橐近班何有綸恩之

益把麾遠郡粗殫惠養之勤鄉閩甫遂於歸休帥聞
忽叨於推擇惠生意表盜起鄰封調戍卒於屬州授
伍符於遙牧不虞宿將反墮姦謀方騰訟過之章乃
被督師之命大兵雲集謂當指日而可禽醜類麇奔
曾不回戈而內向力追蹤於山谷尚假息於朝晡績
旣弗成罪將誰執七旬未格莫寬西顧之憂三視猶
輕難違南遷之謫獲歸故里已佩深仁自量擯斥之
餘宜在孰何之外敢圖鴻造憫其垂朽之年特渙論言
廩以祝釐之祿削刑丹籍叨竊素餐茲蓋伏遇
皇帝陛下治本隆寬政先總核動加矜軫豈為匹夫
而求全凡與使令不以一眚而終廢俯憐庸懦曲賜

涵容臣敢不擢髮省愆銘肌戴德散材無用深知復
玷闕之難壯志雖衰尚得效糜捐之報

攻媿先生文集卷第十二

四明樓

鑰大防

表牋別集

伐謝宮觀表

以下三首代吏待制彌大

賦祿真祠俯從私請陞班次對更出鴻恩是何極陋
之蹤得此殊常之渥中謝伏念臣志徒慕古才不逮
人由庠校之諸生叨承延賞勉冀喪之餘習偶玷世
科甘從州縣之勞敢覬朝廷之選惟睿主曲敷於舊
學故微臣誤簡於淵表自給札於中書寢影纓於冊
府退量僬冒祗務靖共固嘗持節以言歸旋即予環
而就列寸長尺短第知自竭於愚忠年除歲遷何意

遂塵於法從代言西掖進讀東宮皆老父之故官實
儒生之希遇力辭禁免段貳秩宗威儀三千茲豈養
病之地春秋八十不勝愛日之思奏牘朝聞俞音夕
至廩以祝釐之粟寵之荷橐之懸毫釐莫服於公家
頂踵悉由於聖造甫還私室已拜宸綸茲蓋伏遇
皇帝陛下政本用中仁惟厚下素矜樸拙初無進取
之心重賜褒揚庸示保全之意父子感深而至泣里
閭園視以為榮臣敢不增激懦秉梢休弱質循陔承
志庶幾弃官歸養之風戀闕馳誠尚勉移孝為忠之
節

代謝

皇太子牋

儲禁簡僚久克負於中護祠庭得請仍寓職於西清
退省至愚敢志所自中謝伏念某稟生甚弱賦性尤
疎一經徒守於家傳累歲寢汚於朝蹟獨惟老父獲
降聖君乃眷潛藩曾是甘盤之舊遂容小子亦陪綺
季之游自慚遲頓之資無補溫文之學巧閑得寵拜
命知歸茲蓋伏遇 皇太子殿下盛德在躬勞謙禮
士 兩宮侍膳益勤計日之誠千里懷親深察望雲
之念俾從私志實荷隆寬某敢不祇服訓詞仰承色
養扶羸東下遽收迹於鷓行矯首西瞻尚馳心於鷄戟
代謝 皇太子宮講堂徹章轉官牋
儲闈進讀嘗與英游奏議終篇遂遷爵秩曾是優隆

之渥亦霑遠外之蹤中謝伏念某學匪洽聞身逢盛
際宸宸念甘盤之舊俾鯁生獲綴於賓僚經帷繡陸
贄之書命鶴禁亦爲之訓說備見經綸之用具存仁
義之言戒彼覆車實爲可鑒中其佔畢顧有何勞方
茲去國以奉祠乃以徹章而受賞被恩有自揣已知
漸茲蓋伏遇 皇太子殿下任重承桃志勤好古傳
聖父誠明之孝自得之心玩名臣論諫之文如對其
面尚思記誦使遂褒陞某敢不拜手祇榮銘心戴德
一物三善固知禪贊之無功九弊六條更冀講明之
不怠

代賀

光克壽聖憲天體道太上白王

帝 壽聖明慈太上皇太后上尊號

表

以下六首代溫
州節度使部建

熙事備成惟聖人能饗帝徽稱具舉雖天子必有尊
驩動 兩宮化刑四海中貧竊以太上立德本無事
於飾名大美不言顧昌資於崇報雖九載已都於顯
號而一人尚款於宸衷乃因泰時之精禋併舉累朝
之曠典恭惟 皇帝陛下恩被動植孝通神明登大
位之崇高受 上皇之付託玉卮稱壽視昔有光寶
冊奉親自我作古謂天祖羣物式昭時憲之明謂道
法自然更著體元之正俞音誕布盛事一新萬國得
驩心共仰仁天之老百姓加德教益知聖治之彰臣

出守偏州恭承明詔捧觴再拜頓回鳳闕之春稽首
三呼但想龍樓之曉

賀 太上皇帝表

禮行於郊咸慶縟儀之備尊婦於父聿嚴微祿之加
履載兩間驩呼四起中賀竊以堯堯者至高之貌用
形容於博衍優游蕩蕩乎民無能名獨著見於聰明
文思仰克仁之天大邁陽德之日新宜因百神受職
之時更益大德得名之懿恭惟 尊號太上皇帝陞
下怡神於淡遊物之初膺寶籙以興邦授神器而興
子凡此知人安民之要傳諸問安侍膳之間黃屋非
心樂逍遙於特室紫壇藏事介福履於慈闈雖秉謙

尊莫回忱請光之大大之謂聖已陶萬國之歡天法
道道法自然益顯百王之冠臣叨憑能軼莫違鷓行
想漢殿之觴寧免滯南之歎効華封之祝敢忘拱北
之誠

代賀 太上皇后牋

備舉盛儀誕揚懿號凡資持載罔不驩呼中賀竊以
迎長者三王之郊既告虔於上帝有名者萬物之母
爰婦美於慈親益增地道之光深副天心之願恭惟
尊號太上皇后殿下德高任姒功邁娥嬖力贊睿
謀親授 重華之帝尊同太極式安長樂之居受五
日一朝之榮備四海九州之養爰因大祀載舉徽音

箕疇謂視曰明用顯進賢之志老氏以慈爲室於昭
生物之思合茲二者之稱仰止一時之盛臣分符有
守憲關無階莫陪椒掖之趨但劇葵心之向

代謝立 皇太子降赦表

儲禁宥聞宸綸誕布法前星之瑞象仰繁重暉揚少
海之餘波沛爲膏澤神人胥悅宗社尊安中謝恭惟
皇帝陛下道冠皇王仁霑動植端居南面受 光
克付記之隆豫建東宮縣有 宋延洪之福爰推思
需下及黎氓罄萬國以屬心盛一人之有慶臣叨紆
郡紱阻賀闕庭比登歡呼咸喜元良之正微衷感勵
謹宣寬大之書

代謝 御書戒百僚手詔石刻表

詔旨中頒具孚羣聽宸章中錫下及侯邦凡屬照臨
舉知感奮中謝竊以官刑儆有位之士成馮切戒於
三風手書賜方國之臣光武尤嚴於一札聿稽前代
三者之盛未如今日天語之溫蓋九重雖備於躬行
而百辟或違於德意玩歲愒日猶有謬悠拱默之流
易慮涵心尚乏底厲激昂之氣仰勞翰墨下訪臣鄰
一新琬琰之刊傳甚置郵之速茲蓋恭遇 皇帝陛下
下循名責實任賢使能形憂勤於宵旰之間十年于
比示好惡於用捨之際四海胥然爰申播告之修更
謹屬精之始臣叨膺郡寄肅奉訓辭祇率乃僚各共

厥職欵令貞偽毋乱敢爲欺謾之文會聞上下相安
莫有苟且之意

代謝直秘閣表

濫膺郡寄初無善狀之稱寓直奎文忽被寵光之渥
拊躬有醜拜命增榮中謝伏念臣學昧家傳才非時
用猥緣遭際得效馳驅衣以繡衣雖謹惟良而拆獄
置之粉省未知何自以爲卽退尋於越之居俄假東
嘉之守四郊菜色重丹宸之憂勤一介萍蹤荷玉音
之臨遣首問吏民之疾苦備聞田里之歎愁凡所奏
陳悉蒙垂應移鄰邦之粟不容曷糴之私蠲下邑之
租又免追科之擾罷民租給和氣隨生雨暘以時黍

麥增稔閭境方歌於聖德謨思乃及於守臣顧撫字
之徒勞媿清華之非據茲蓋伏遇 皇帝陛下核孝
宣之名實總光武之權綱民瘼是求尤重專城之寄
重書加勵滋多循吏之賢顧如微臣亦霑醲賞臣敢
不仰銜鴻施俯竭駑才未讀五千卷之書已冒登瀛
之目加撫十萬戶之衆誓堅報國之心

代龔參政謝 慶壽赦加恩表 茂良

慈皇介壽幸陪前殿之儀慶霑頌春首被通侯之寵
循墻莫避踏地自驚中謝竊以克年符巽位之期舜
孝極重華之盛請富壽之祝百僚咸與於駿奔下寬
大之書萬國宜霑於錫賚豈繫邇列獨冒殊恩况體

之文嘗獲登於微冊以躡躡之質偶進攝於上公固
已不勝千載之榮敢意更竊九重之眷封疏故郡地
衍多畝端章甫以立朝安識周旋之中禮分茅土而
建社自慙談笑以封侯茲蓋伏遇 皇帝陛下義篤
奉親仁均厚下廣宮闈之至樂用以及人錄臣子之
微勞遂先與邑臣敢不誓殫素節仰報鴻私五日一
朝密扈天顏之睟穆萬年億載永瞻孝治之光華

代仲兄謝嚴州到任表

負丞棘寺久媿空餐假守桐廬遽叨共理初以還鄉
而拜命終焉便道以之官被寵過優撫躬莫稱中謝
竊以子陵舊隱浙水與區昔爲 太上之潛藩今實

行都之近輔頻年旱潦浸多凋瘵之民累政推遷宜
擇循良之吏如臣者稟生甚陋慙李寡聞猥承延賞
之餘甘老徒勞之役偶平詔獄入仕帝京財貨暴如
丘山敢辭委吏文書盈於几閣弟謹攸司建聯教局
之刪脩繞脫選途之塵冗進參外府曾何補於公家
移贊司刑頗服勤於臬事銜上恩而莫報念色養之
多違因謁告以過滯以治民而自詭仰蒙睿眷徑畀
左符方少遂於家居忽又承於人乏蓋歎歲方勞於
肝食謂小臣曾對於清光放嚴旨以趣行免內朝之
臨遣望龍顏於九陛下勝戀闕之心侍鶴髮之雙親
少展循陔之志茲蓋伏遇 皇帝陛下天臨萬寓器使

羣材培植邦基尤重牧人之任茂隆孝治俯推錫類
之仁雖久歷於王官必加試以民事有如臣輩亦在
選中臣敢不恪奉教條布宣德意中外本一致顧何
有於於嫌疑噴有煩言自貽伊戚惟昔親民之始嘗
陳同罪之章歷時雖多逃責無所與絜而不保其往
祇佩訓詞之溫取人而失之以言深犯聖門之戒僅
行鑄削仰累保全茲蓋伏遇 皇帝陛下馭下惟公
待臣以恕謂引其類以俱進任則甚專若簡乃僚而
弗處咎將誰執臣敢不日思創艾益謹品題應物未
明當起懲美吹藿之念求賢圖報敢萌因噎廢食之心

代謝知瓊州表

一札十行俾遠憑於態軼四州百洞幸利涉於鯨波
首及治封具宣德意中謝伏念臣奮身跡迹賦性愚
蒙蚤叨世賞之延屢困宦途之滯字民淮甸慙非製
錦之工貳政衡陽有玷題與之選頃分陋郡未及朞
年資淺望輕易致人言之尊杏地偏財匱不堪歲計
之支吾已甘置散之科安有復然之望豈圖拔拭更任
蕃宣眷古珠崖實今瓊筦邈在萬里之外額居一海
之中漢晉廢置之不齊隋唐分合之靡定久服 本
朝之聲教遂同內地之流風惟黎母錯居當謹邊防
之慮而賈胡遙集是爲舶政之源自揆庸虛難勝寄
委茲蓋伏遇 皇帝陛下仁恩濟衆德務包荒緬懷

卉服之遊擇竹符之守知臣嘗更於遠外或可承流
謂臣備歷於險艱庶幾使過臣敢不仰祈恩紀謹布
邦條幸依兩伏波之神母憚三合溜之險仕方行志
敢爲乘桴浮海之言忠不忘君徒詠登樓望京之句
誓殫鴛刀用答鴻私

代賀 太上皇帝慶壽表

啓七十之慶將傳萬歲之玉卮率三千之臣先上
兩宮之寶冊美備形容之至光增授受之初孝治愈
隆生民未有中賀竊以子有天下而尊於父方當祝
耆艾之辰德爲聖人而得其名詎可襲尋常之號一
紀載加於緝典九重尚慊於淵衷茲講未央之儀爰

採康懼之誦榮歸慈宸燕及中闈恭惟 尊號太上
皇帝陛下道大難窮功成不有聰明遜位於昭與子
之公逸樂延年自得縱心之適曰仁曰德無能名焉
乃武乃文紀其盛者 尊號太上皇后殿下久參太
極密贊重離天下濟而地上行凡謂相成之道克南
鄉而舜北面實同稀有之期 皇帝陛下愛篤嚴君
親傳家法謂壽富之福惟舜倫之所先而父母之年
在常人而猶喜况承社稷之託獲見春秋之高不有
極尊之稱曷爲甚盛之慶優游博衍雖問之朝野而
不知揚厲鋪張要編之詩書而無媿禮文照古雲物
効祥歡均軒陛之間化決筆夷之外臣與瞻鸞輅入

觀龍樓嵩嶽傳呼誠四海九州之至樂楮袍端拜願
十年一慶於脩齡

代新進士謝賜花表

柳染青袍叨與太官之燕花裁絳綵更分禁籞之春
敢望微生遽承華寵中謝伏念臣等性振浮弱李植
荒踈吐天葩之奇篇初無詞采啓瓊林之茂典咸戴恩
榮謝槐市之舊遊尋杏園之故事茲蓋伏遇 皇帝
陛下仁霑行葦材育菁莪萬國春陽顧豈遺於寒谷
九天雨露遂均及於群英臣等敢不種李績文去華
務實芝蘭馥烈但堅自潔之心桃李芬芳共樂不言
之化

代趙侍郎遺表粹中

負罪屏居方還舊物卧病垂絕將謝明時顧屬續以
甚危猶戀軒而不忍孤忠未泯衰涕徒傾中謝伏念
臣起自諸生粗傳末季弟兄射策偶登後造之科州
縣服勞安有功名之望奉聖主欲收於羣策謂故家
或有於遺才嘗因輪對之初誤辱袞褒之寵神會氣
合不自知遇主之因年除歲遷俄寔上從臣之列二
史屢書於言動三銓深托於姦欺承攝瑣闥亦知効
古人批勅之節建明廟議欲以奉 列聖在天之靈
雖自詭以治民詎敢忘於報國迨地陽之奏課就茗
水以交符投檄得閑歸處四明之舊隱騰章視職誦

言一萃之幽寃固知不辨而自明卒荷容光之必照
矜其久困賜以更生通禁路之班許尋故步繼廩人
之粟俾盡餘年未酬肉骨之恩俄屬負薪之疾水浮
膏而成痼藥苦口而弗靈殘息僅存大期已迫愧論
思之無補尚攀戀而有言伏望 皇帝陛下寬奉慈
闈益隆寶祚以寬仁壽天下之脉以清靜養聖躬之
和尊 藝祖肇造之功早正東向之位念神州沉淪
之久無忘北代之圖臣曷筭何為蓋棺遂已生無可
恋敢言滯太史於周南死或有知尚可亢杜回於輔氏

代陳閣學遺表居仁

承命造朝施抱負薪之疾奉祠還舍遽興曷筭之言

忍死有陳報恩無所戀明時而何及灑哀涕以空悲
中謝伏念臣生也亡竒幼而孤立自世賞而策佳士
奉大對於 高皇之廷縣冗僚而登王官受異知於
孝宗之聖晉游孝者出試州麾收實郎曹殆遍史
於宰掾擢居柱史遂徑躡於祠垣陟彼圯以纏哀予
之琴而終制誤蒙慈宸屢昇左符際 貞主之題期
升大邦而分閭每經煩使實堅狗國之心縱有微勞
皆是守藩之職敢意凝旒之眷忽叨召節之放雲氣
在前不許三山之到居門甚邇翻成萬里之遙撫薄
命以自傷懷孤忠而莫吐卒困陰陽之寇竟遠咫尺
之顏荐貢忱誠僭干淵聽念甘泉從臣之已老况正

元朝士之無多祝釐之請則卻而受從寓直之寵則
辭而不獲仰戴天地生成之造得爲山林休養之謀
然而精爽欲離形容盡變抵家而迹未定過信病而益
增身方卧於漳濱寇已遊於岱嶽龍光深厚愧未補
於秋毫駒隙易馳將溘先於朝露少留殘景冒進危
衷恭願 皇帝陛下寅紹皇圖聿新孝治躬憂勤以
致中興之業進英俊以肇太平之基內脩外攘坐復
祖宗之舊東漸西被聿觀声教之行臣假息幾何
蓋棺遂已塵勞五紀悵莫賦於歸田真漢九原顧敢
忘於結草

攻媿先生文集卷第十二



卷13-卷15

